



Javni oglas za prijem u radni odnos u Agenciji za bankarstvo Federacije Bosne i Hercegovine na neodređeno vrijeme sa probnim radom u trajanju od 6 mjeseci

I - NAZIVI RADNIH MJESTA:

- 1.1.** Viši stručni saradnik, Odjel za podršku supervizije banaka, Sektor za nadzor poslovanja banaka, 1 (jedan) izvršilac, mjesto rada: Sarajevo
- 1.2.** Viši stručni saradnik - viši kontrolor, Odjel za nadzor poslovanja nedepozitnih finansijskih institucija, Sektor za nadzor nedepozitnih finansijskih institucija, 1 (jedan) izvršilac, mjesto rada: Sarajevo
- 1.3.** Stručni saradnik - kontrolor, Odjel za nadzor poslovanja nedepozitnih finansijskih institucija, Sektor za nadzor nedepozitnih finansijskih institucija, 1 (jedan) izvršilac, mjesto rada: Sarajevo

II - OPISI POSLOVA

Za radno mjesto 1.1.: učestvuje u pripremi nacrti i prijedloga supervizorskih politika, standarda i metodologija; u saradnji sa zaposlenim u organizacionom dijelu Agencije nadležnom za regulativu učestvuje u poslovima izrade nacrti i prijedloga svih opštih akata Agencije, nacrti i prijedloga podzakonskih akata iz oblasti supervizije banaka (odluke, uputstva i sl.) i poslove usklađivanja podzakonske regulative sa zakonskom regulativom; učestvuje u ažuriranju SREP metodologije i procedura, kao i ažuriranju metodologija za ocjene za pregledanje ICAAP-a, ILAAP-a, planova oporavka, stres testiranja, te drugih dokumenata iz nadležnosti Odjela; učestvuje u pripremi nacrti i prijedloga izvještajnih zahtjeva i validacijskih pravila za prikupljanje i obradu podataka iz banaka i unutar Agencije; učestvuje u procesu nadzornog testiranja otpornosti banaka na stres test; sarađuje sa Centralnom bankom BiH u sprovođenju stres testova za potrebu ocjene stabilnosti bankarskog sektora; pruža podršku supervizorskim timovima kod analize i provjera metodologija, modela i rezultata stres testova koje banke rade u skladu sa odlukama Agencije i/ili u izračunu internih kapitalnih i likvidnosnih zahtjeva; vrši neposredni i posredni nadzor metodologija, modela i parametara koji se u bankama koriste kod mjerenja i upravljanja rizicima u skladu sa odlukama Agencije i izračunu kapitalnih i likvidnosnih zahtjeva; priprema potrebne informacije i podatke za sačinjavanje kvartalnih i godišnjih informacija, kao i informacija i podataka neophodnih za statističke analize iz nadležnosti Odjela, koji se dostavljaju nadležnoj organizacionoj jedinici; redovno izvještava rukovodioca Odjela; obavlja druge poslove po nalogu rukovodioca Odjela.

Za radno mjesto 1.2.: vrši posredni i neposredni nadzor nedepozitnih finansijskih institucija iz nadležnosti Tima kojem pripada, što uključuje kontrolu propisanih izvještaja koje su nedepozitne finansijske institucije dužne dostavljati Agenciji, analizira propisane izvještaje, analizira, prati i primjenjuje propise iz oblasti obračunskog sistema i druge propise, te obimne i ciljne kontrole (supervizije) poslovanja nedepozitnih finansijskih institucija; prezentira nedepozitnoj finansijskoj instituciji nalaze neposredne kontrole, sačinjava zapisnik o izvršenoj kontroli, odgovara nedepozitnim finansijskim institucijama na prigovor na zapisnik i izrađuje rješenje i druge kontrolne i postkontrolne akte, uključujući utvrđivanje prijedloga ranga nedepozitne finansijske institucije, vrši postkontrolni postupak izvršenja naloženih mjera i rokova; izrada bonitetne analize i izvještaja o procjeni rizičnosti poslovanja nedepozitne finansijske institucije; inicira pokretanje aktivnosti za poduzimanje mjera prema nedepozitnim finansijskim institucijama i odgovornim licima u nedepozitnim finansijskim institucijama u saradnji sa drugim organizacionim dijelovima; obavlja i druge poslove po nalogu neposrednih i funkcionalnih rukovodilaca.

Za radno mjesto 1.3.: učestvuje u posrednoj i neposrednoj kontroli nedepozitnih finansijskih institucija, što uključuje učestvovanje u kontroli propisanih izvještaja koje su nedepozitne finansijske institucije obavezne dostavljati Agenciji, analizi propisanih izvještaja, pripremi kontrole poslovanja nedepozitnih finansijskih institucija, izradi zapisnika o obavljenim kontrolama, pripremi prijedloga po prigovorima nedepozitnih finansijskih institucija; obavlja i druge poslove po nalogu rukovodioca Odjela.

III - USLOVI: Pored općih uslova propisanih Zakonom o radu FBiH, kandidat mora ispunjavati i posebne uslove:

Za radno mjesto 1.1.: VII stepen stručne spremlje ekonomskega smjera, odnosno visoko obrazovanje Bolonjskog sistema studiranja koje se vrednuje sa 240 ECTS bodova, 2 godine radnog iskustva na istim ili sličnim poslovima, posebna znanja iz oblasti kontrole banaka ili bankarstva, te kvantitativno analitičkih metoda u ekonomskim istraživanjima, aktivno znanje engleskog jezika, poznavanje rada na računaru.

Za radno mjesto 1.2.: VII stepen stručne spremlje pravnog ili ekonomskega smjera, odnosno visoko obrazovanje Bolonjskog sistema studiranja koje se vrednuje sa 240 ECTS bodova, 3 godine radnog iskustva na istim ili sličnim poslovima, iskustvo u radu i/ili posebna znanja iz oblasti kontrole subjekata bankarskog sistema, aktivno znanje engleskog jezika, poznavanje rada na računaru.

Za radno mjesto 1.3.: VII stepen stručne spremlje ekonomskega smjera, odnosno visoko obrazovanje Bolonjskog sistema studiranja koje se vrednuje sa 240 ECTS bodova, 2 godine radnog iskustva na istim ili sličnim poslovima, iskustvo u radu i/ili posebna znanja iz oblasti kontrole subjekata bankarskog sistema, aktivno znanje engleskog jezika, poznavanje rada na računaru.

IV - POTREBNI DOKUMENTI: Kandidati se sa jednom prijavom mogu prijaviti samo na jedno radno mjesto. Kandidati su dužni uz svojeručno potpisanu prijavu i biografiju sa kontakt podacima dostaviti: 1) diplomu o završenom odgovarajućem obrazovanju i 2) dokaz o radnom iskustvu, sa opisom poslova koje kandidat obavlja/ je obavljao kod poslodavca/poslodavaca i trajanju radnog iskustva. Svi traženi dokumenti moraju biti original ili ovjerena kopija. Prije zasnivanja radnog odnosa izabrani kandidat je dužan dostaviti ljekarsko uvjerenje o općoj zdravstvenoj/radnoj sposobnosti.

V - NAČIN I ROK DOSTAVLJANJA PRIJAVA: Prijava na konkurs sa traženom dokumentacijom može se dostaviti na adresu Agencije za bankarstvo Federacije BiH, ul. Zmaja od Bosne 47 b, 71000 Sarajevo, sa naznakom naziva radnog mjesta. Konkurs ostaje otvoren 15 dana od dana objavljivanja.

